

34-6-1-18-

19

BREVIS DECLARATIO  
ET DESCRIPTIO


THEATRI

Hoc Anno MDCXLVI excitati  
PRO VENERATIONE AVGVSTISSIMI

SACRAMENTI

EVCHARISTIAE

IN TEMPLO FARNESIANO SOCIETATIS IESV.



ROMAE, Typis Vitalis Mafcardi, MDCXLVI.

SUPERIORVM PERMISSV.

*J. M. C.*

BR EVIS DECLARATIO

ET DESCRIPTIO

THEATRI

Hoc Anno MDCLXVI excitati

PRO VENERATIONE LAVGATISSIMI

SACRAMENTI

EVCHARISTIAE

IN TEMPIO FARNESIANO SOCIETATIS IESV.



ROMAE, Typis V. G. B. MDCCLXVI.

Superiorum P. M. S. S. S.



**N**OBILE Sodalitium Deiparae  
in Caelum Assumptae, quod in  
Domo Professae Romana Societa-  
tis Iesu solet, ultimo triduo die-  
rum Antecineralium, Augustissi-  
mum Sacramentum Eucharis-

tiae prosequi cultu, ac veneratione praecipua; hoc  
anno id egit apparatus Theatri opetiosiore; dum in  
eadem Domo Professae sunt comitia generalia vni-  
uersi Ordinis, occasione summi Praesidis, nuper ele-  
cti suffragatione eorundem comitiorum.

Credidit verò, tempori consentaneum fore, si  
Emblematis loco in conspectum veniret Deus, in  
Columna nubis, praebens in Erithraei maris sinu,  
securum iter Israelitis, & Aegyptijs certum interi-  
tum. Sic enim mors est malis, vita bonis, Chri-  
stus Dominus in Eucharistia, quasi Deus in nube.

Certè Patribus ad comitia profectis, cum inco-  
lumes omnes aduenerint, in aetate admodum pro-  
uecta, per Europam praesertim praelijs, & caedibus  
cruentam, videatur iam perinde, atque olim Israe-  
litis, fuisse in mari rubro, via sine impedimento.  
Nec mirum; quia viae Dux eis fuit Deus in nube,  
hoc est viaticum nostrae peregrinationis, Christus  
in Eucharistia; ex qua iter auspiciari quotidie, per-  
litando aris semper, ipsi consueuerunt.

Ut adeuntibus, venerationis causa hoc triduo,  
Farnesianam Basilicam sic comperta Historia, quae

4  
in ea oculis Populi Romani obuersabitur, summa-  
tim eam referre, opera-pretium videatur: hæc igitur  
est eius periocha. I omo

Moyſes in plenilunio Veris, ad Remesseſem Vr-  
bem Ægypti, coëgerat Hebræos omnes, emigratu-  
ros poſtridiè; ſiquidem Pharaο ſuperioribus cladi-  
bus perpauefactus, & præſertim clade vltima pri-  
mogenitorum, vel inuitus annuebat; vrinde pe-  
dem efferrent. Omnes numero erant ſexcenta  
millia, abſque ſenũ, fœminarũ, & paruulorum  
cenſu. Extulere itaque oſſa Ioseph, qui ex Patriar-  
chis duodenis ſolus ſuperſuerat in Ægypto, & cum  
præda opima Regionis, atque adeo cum gregibus  
ſuis, die decima quinta menſis Niſan, in Tribus  
ſuas diſtributi, verſus Orientem, Iſrælitæ ad mare  
Eriſthraũm proceſſerunt. Antecedebat, interdiũ ac noctu, Columna nu-  
bis, & Columna ignis, vmbra culum & lucem im-  
perſicis ijs, qui aſpice Deo peregrinabantur. Se-  
cũs horrorem & minas Ægyptijs intentabat. Cũ  
erat progrediendum, ſupra vexillum Tribus Iudæ  
prominebat; & in medio Caſtrorum quieſcebat ſu-  
pra Tabernaculum, quando immorari oportebat.  
Eundem eſſe, agmine nubis ſignificabatur; & Sad-  
cerdotes tubũ canebant, vt profectionis populi  
admoneretur. & tũ Columna nubis pulchra li-  
eis diſfuſione in deſerto iter præſignabat: quæ om-  
nia panno ſtraculo, quĩn mari, eis hanc ite obſeruauerunt.

Ut ad rem præsentem redeat narratio; Israëlitarum triduum incesserant; cum eos meditari fugam Rex Pharaon inaudiuit: quocirca ut illos insectaretur, sexcentos bellicos currus, & exercitum eduxit, ut eosdem ex fuga retraheret. Erant verò Israëlitarum intercepti, hinc Erithræo mari, & inde copiis Régis Pharaonis, ac sibi certum interitum imminere arbitrabantur; cum sexta profectionis die, statim à primis tenebris, inter populos eos ambos Columna intercessit. Moyses virgæ imperio, Deo ita iubente, mare rubrum aperuit, & momentò patuit via, siccis etiam arenis; ne ingredi sabulo humido, ac putri Israëlitas oporteret: ideoque flabra ventorum hoc eis iter concinnauerunt.

Semita fuit perampla, ut permeare tam ingens multitudo commodè posset, steteruntque undæ, & refusis vadis ab utraque parte; quasi muri essent; non tam ex fluctibus, quam ex glebis: & cum nocte tota in aduersum littus Israëlitarum contendissent, potuerunt vniuersum eum sinum pertransire, tam breui horarum interuallo; quia huiusmodi traiectionis contigit in ultimo eius freti recessu: ubi angustior cum sit eius sinus, ad sex non amplius miliaria explicat latitudinem suam.

Ægyptij & Pharaon eorum Tyrannus, tametsi debuissent, ex tam insigni prodigio, agnoscere patrocinium Dei erga Israëlitas; ac cessare ab iniuria inferenda: nihilominus cum equitatu & curribus

post eos prouerunt. Sed experti sunt etiam statim, sibi cum Deo prælium esse: nam ex nube Deus, quæ in eo transitu tutabatur, castra Hebræorum, tamquam ex Cæli armamentario, iussit exsilire illicò tonitrua, & fulmina; quæ metu & cædibus apud Ægyptios omnia miscuerunt.

Quoniam verò ausi fuerant, temeraria excursione fretum intrare, superfusis aquis, Moysè iubente, atque ex nutu Dei, submersi sunt: atque ita Regni flos & robur, cum Rege Pharaone, ibi naufragium fecit, in Aurora septimæ diei, cui benedixit Dominus.

Id conspicati ex littore Israëlitz, Viri feminaque Choros duxerunt, antesignanis Moysè ac eius sorore; ac decantarunt lætabundi Canticum Deo liberatori suo.

Extare autem in eo mari etiam nunc perhibent vestigia curruum & rotarum: adeo ut si deleantur, dum sabulum fortè premitur, redeant pristina huius tam admirandæ cladis signa; Deo in arena conservante monumentum rei gestæ melius: quàm si cælari à nobis in marmore, vel etiam in ære contigisset.

Iam hoc omnipotentiz diuinæ prodigium datur in Theatro, cuius explicat se moles altitudine palmorum centum & sexaginta, latitudine vero palmorum octoginta: cum antrorsum excurrat spatio palmorum quatuor & sexaginta.

Supernè Cælum nitet, Auroræ prima luce col-  
lustratum; & præterea summo loco panditur Regia  
Solis æterni, effunditque splendoris iubar cumula-  
tius, ex ipso Augustali Diuinitatis. Circumuolant  
autem Cælites, atque exinde Eucharistiam apud  
nos venerantur.

Proximam aëris regionem, ad dexteram pari-  
ter, atque ad læuam, confertæ implent nubes,  
atque eandem Eucharistiam, hoc est Deum in nu-  
be, iure suo, quasi affectæ comitantur. Accipiunt  
verò lucem ab eo, qui est lumen de lumine; lu-  
cemque inhabitat inaccessibilem: sed qui posuit  
tamen in Eucharistia, tamquam in nube latibulum  
suum; ne homines, spectatores maiestatis eius,  
opprimantur à gloria.

Vtrinque has insident nubes Cælestes Angeli:  
propitij quidem aliqui, & veluti blandientes, super-  
fluis floribus in semitam iustorum: nam florea via  
incessisse Israëlitas, nempe ex ministerio eorum,  
graues Scriptores tradunt: sed alij tamen irati, &  
vibrantes fulmina in Pharaonem, atque in Ægypti-  
os, utpote populi electi vindices & ultores.

In ima huius Theatri area est mare Erithræum:  
cui vocabulum rubri maris fecerunt tinctæ arenu-  
læ rubrica, veriùs quam vndæ: atque has ideo aquæ  
illitas colore, cyaneo simul ac spumante, libuit fi-  
gurare: ne luce addita fortasse ignis esse, non sine  
quodam oculorum fascino, aut ludibrio viderentur.

Ægy-



Ægyptij, & Pharao eorum Tyrannus, hausti vndis Erithræis, miserè pereunt; & natant currus, equi, equites, arma, & vexilla: nam verè Israëlitis, & Moyse eorum Ductori

militer militat Æther,

Et coniurati veniunt ad classica nimbi, & ideo læuum latus, in quo Deus in nube mors est malis, vndique perpluit, densaque & nigra obruitur tempestate.

At latus dexterum, in quo Deus in nube est vita bonis, peruium est Israëlitis: qui tuti & securi per maris abscissi vndas aggestas, quasi essent christalli mœnia, gressus addere, & properare in aduersum litus videntur, & perferre spolia Ægypti, sarcinulasque conuhere, furto innocenti hostibus direptas.

Qui litus iam tenuerunt, admirabundi hærent, ex miraculo maris tam obsequentis, vltioni diuinæ pariter, ac diuinæ retributioni: sustollunt Cælo supinas manus, & grates Numini referunt. Moyse verò cum virga perstat medio loco, quasi populi propugnaculum, & munimentum; ac ponè ipsum Aaron iubet tubicines adstreperè, ac victoriam canere, de Populo barbaro, ac de Pharaone hoste immaniissimo superato.

Hæc rerum scæna, speculis omnibus Templi Farnesiani obuelatis, luce tantum lucernaria illustratur: lychnis dispositis ad quatuor amplius millia,

sed



sed clanculum accensis, ita ut tantum iubar videatur, solemque imiteretur ac diem.

Structura ipsa intus, & compago ex firmissimis trabibus, cui propemodum sylva inhaeret asserum, & tabularum, referens Cælum, nubes, sydercos Numeios, mare, montes, geminumque populum Israëliitarum & Aegyptiorum; hæc structura, inquam, meretur profecto admirationem. Scandere siquidem licet, & digito Templi fornitem tangere: ad non sine voluptate lychnorum spectare multitudinem, dispositionem, & varietatem. Quæ omnia ab ingenio directæ sunt Nicolai Menghini, celeberrimi Sculptoris & Architecti, qui alias isthæc admiranda, tum in hæc Farnesiana Basilica, tum in Basilica Sancti Laurentij in Damaso, felicissimè, plaudente Aula & Vrbe Roma, cum ad murmuratione secundissima repræsentavit.

Digna certè spectacula censentur, quibus intersint ipsemet Christi Vicarius Romanus Pontifex, & Sacer eius Senatus. Adfuit enim Sanctissimus D.N. Innocentius X. & ante illum aliquoties Urbanus VIII. Gregorius XV. Paulus V. & Clemens VIII. Sed & aliqui ex Augustis Patribus, de aræ gradu dixerunt ad frequentissimam panegyrim: nempe Augustinus Card. Valerius, Cæsar Card. Baronius, Franciscus Maria Card. Taurusius, Robertus Card. Bellarminus, Laurentius Card. Blanchettus, Flaminius Card. Plattus, Bonifacius Card. Gaetanus, & Fe-

& Felix Card. Centinus, utique magna nomina,  
 & præcipua lumina Sacræ Romanæ Purpuræ. Ma-  
 gistratus Romanus etiam, Ordines aliquot Reli-  
 giosissimi, & Sodalitia Urbis primaria, cum labaris  
 & insignibus suis, has preces solent frequentare: nec  
 triduo earundem precum desiderantur, aut pie al-  
 locutiones Patrum Societatis Iesu cum delectu: aut  
 Musici concentus à præstantissimis, seu Cantori-  
 bus, seu Symphoniis.

Quæ omnia Nobiles Sodales Deiparæ in Cælum  
 Assumptæ quotannis, ex instituto perueteri, uti  
 summa pietate, ita etiam pari liberalitate, dicant &  
 consecrant Augustissimo Eucharistiæ Sacramento,  
 ad eius gloriam iugem & perennem, qui in illo,  
 tamquam in nube, adest nobis Deus noster.

## L A V S D E O.